

خاطیره

بولوت قارا چورلو سهند:

۲۱ آذر خاطیره سینه – تبریز

بو یازی چؤگور وئبلاگیندال آلنمیشدیر.

خاطیره

بو اوجا داغلارین قارلی باشیندا
هر بیر قیاسیندا، هر بیر داشیندا،
شاعیرلرین ایلهام خزینه سی وار.
بؤیوک عوصیانلارین خاطیره سی وار.

ای عزیز وطنیم، ای بؤیوک دییار،
یئری وار آدینلا ائتسم ایفتیخار.
شرقین شرفیسن، شوهرتیسن سن
آسلانلار یوردوسان قورولان گوندن.
سن یئنی حیاتین یارادانیسان
شرق تاریخین قهرمانیسان.
سندن ایلهام آلیر بؤیوک دوغولار
درین معنالیدیر، سنده هر نه وار.
سنین بو عوصیانکار طبیعتینده،
هر توتقونلوغوندا، هر بئهجتینده،
سنین بورانیندا، سنین قاریندا
سنین باهار آچان شن باهاریندا،
یاشیل دوزلرینده، اولوقلاریندا،

چای چمنلی گۆزل يايلاقلاريندا
سيزيلداييب اسن سرين يئلينده،
ايگيت ائللرينده، شيرين ديلينده،
اوجا داغلاريني قارلى باشيندا،
هر بير قياسيندا، هر بير داشيندا،
شاعيرلرين ايلههم خزينه سى وار،
بۇيوك عوصيانلارين خاطيره سى وار.
«دريالار ميرككب، مئشه لر قلم»
من كى، كئچميشيني يازا بيلمه رم.
كئچميشى قوى يازسين آنجاق تاريخلر
هر «عاشيق» دونيادا گوردويون سؤيلر.
منجه ميللتيمين «آذر عوصياني»
كوتله لر عوصياني، ائللر عوصياني
شرف اولدوزودور سنين ياخانا
ايفتيخار آدينا، اى بۇيوك آنا

بيرمى دوردونجو ايلين پاييز چاغيندا
بو اوجا داغلارين بوز قوجاغيندا
آذرلر يوردونون مرد اوغلانلارى
خلقيمين شرفلى قهرمانلارى
آزادليق بايراغين يئره وورموشدو
غاصيبلره قارشى دؤوران قورموشدو.

او گون حاققى ايتميش محكوم ائللره،
زنجيرلى قوللارا، باغلى ديللره،
بوردان اوجاليردى آزادليق سسى
قور تولوش نغمه سى، حيات نغمه سى.
يوخسول اكينچيلر، حاقسيز فهله لر،
محروم ضيباليلار، محكوم كوتله لر،

بو سسی دینله ییب، هره بیر یاندان
نه تک آذربایجان، بوتون ایراندان
توفنگ گۆتوروردو، سیلاح تاخیردی،
سئل کیمی هر یاندان بورا آخیردی.

خالقین عوصیان سسی قالخیب اوجالدی
یاغینین جانینا ولوله سالدی.
نهایت، آذرین ایگیرمی بیرینده
دوشمان تسلیم اولدو اؤز سنگرینده.
دؤندو غاصیبلرین قارا دؤورانی
خالقین ایراده سی ییخدی زیندانی.
گولدو حیاتیتمیز، گولدو ائلیمیز،
بولبول تک آچیلدی شیرین دلیمیز.

آچیلدی سحر تک شاعیرین قلبی
ساحیلسیز دنیز تک سئوینجی داشدی.
گؤروب چیچکله نن شن حیاتینی
مین اثر یاراتدی، مین نغمه قوشدو.
خیالی قوش کیمی قانادلاناراق
اوجالدی گؤیلرین نهاییه سینه
یازدی ائلرینین ظفر نغمه سین
سحر بولودونون آغ سینه سینه.

یئنه بیر ده اود پارلادی
آذرلرین اوجاغیندان
قارانلیقلار کؤچون چاغدی
آذربایجان تورباغیندان
اوفوقداکی قیزیل گونش

ایشیغینی ساچدی بیزه
یئنی حیات باغیشلادی
آزاد اولموش نسلیمیزه.
گونش چیخدی، اتکله ندی
ظولمتلری چکدی دارا.
گؤیلرده کی بوز چوخالی
بولوتلاری یارا یارا.
گول اوزلو بیر باهار دوغدو
قیشین قارلی سینه سیندن
داغلار گولدو، باغ اوینادی
آزاد حیات نغمه سیندن.
قوی یاییلسین قوجا شرقه
بو چوو، بو سس باشدان باشا
بیز سیستمکئش خالقاری
چاغیریریق قورتولوشا.
گلین ائلر ال بیر اولاق
ووراق، بیخاق غصبکاری
قودوز دیشلی ایشغالچیدان
تمیزله یک هر دییاری.
برباد ائده ک یئر اوزوندن،
بایقوشلارین یوواسینی
ساهمانلایاق سعادتین
قارداشلیغین دونیاسینی.

بو سس گورلادیقجا بیر شیمشک کیمی
ووروب تیتره دیردی ظولمون بیناسین.
اونون حیدد تیندن گورلایان اودلار
یاخیردی شاهلارین کؤهنه دونیاسین.

ياخيڭ يانديريدى، برباد ائديردى
قارى شئيطنلار يىن آيىده سىنى.
كسىردى ائللره افسون اوخويان
آلچاق كلك بازين مشوم سسىنى.
يوخسا دوشمانلاردا دويوردو بونو
بو سسده توپلانان بويوك قودرتى
– «بوتون آسيانى توتاجاق بو سس»
او كى، گورنمزدى بو «فلاكتى»
هر ياندا ن اولاشدى بايقوشلار، ايتلر
سانكى كايناتا دوشدو ولوله.
«گر كدير شرقده بوغولا بو سس»
دييه، – كوهنه دونيا وئردى ال اله.
لوندوندا باشلادى گيزلى حر كات
واشىنگتونداكى شوم تداريكات
«خليجه» يوللاندى حربى گمىلر
كندىمىزدن ايسه «تورك افنديلر»...

قارا بير توطيهه، بويوك وسوسه
باريش علئيهينه قانلى دسيسه.
قولوموز گوجلويدي، اليمىز اوستون،
شانلى اوردوموزون قىلينجى كسگين.
مرزىمىزدن گولله گئچه بيلمزدى
اوزه رينده قوشلار اوچا بيلمزدى
اونودماق اولمازدى لئيك بونلارى
بو فيتنه كارليغى، بو اوبونلارى
دوشمان ايسته ييردى آذر يوردونون
ايگيتلر يوردونون، ارلر يوردونون
حاقلى عوصيانىنى عونوان انده رك

قور تولوشونو بير بۇھتان ائده رك
صولحون بيناسيني تار و مار ائتسين
امك دونياسينا هوجوما كئچسين.

تاريخن هدفه، وطنه، يولا
جان قوربان ائدنلر هيچ ده آز دئييل.
عزیزلرين قوربان وئرلر ده وار،
(مينايا آپارميش اوغلونو خليل)
آنچاق بير ميللتين قوربان اولماسين
تاريخ گؤسترمه بير، هئچ واخت، هئچ زامان
قوي بير ده سؤيله ييم دونيالار بيلسين
صولحه قوربان اولدو آذربايجان.

دئدی قوی من اولوم ياشاسين اينسان
ووروشما اودونا يانماسين جهان.
قوي منيم وارليغيم تار و مار اولسون
آزادليق دونياسی پايدار اولسون.
قوي تالانا گئتسين بو گؤزل حيات
دونيانی توتماسين بير ده ظولومات.
آچدی سرحدلرين، سيلاحين آتدی،
نامردلر اينده آل قانا باتدی.
تولکولر بورودو آسلان اوولاغين
چاققاللار قاپسادی قافلان ياتاغين.
آسلان مئشه سينه تولکو بگ اولدو،
خالقيمین ياناغی سارالدى سولدو.

آسلان مئشه سینه تولکو بگ اولماق
نه قدر آغیردیر، نه قدر چتین؟
ذلیل بايقوشلارین طرلان شیکاری،
گور بونا اولارمی ائله مک تمکین؟!
لئیک، آذر ائلی دوزه رک بونا
بیر داها مردلییین آشکار ائتدی.
دونیا گنجلیری اولمه سین، - دئییه
بیر چوخ ایگیتلری الیندن گئتدی.

هله ده گر نه شیر بیر پارا قولچاق
اوتانماز اوتانماز سارساقلا یاراق!
- «ووروشدوم، دویوشدوم، غلبه چالديم»
آذربایجانى من زورونان آلدیم».
تؤکدورور خالقیمین گوناھسيز قانین
تالاییر یوردومون هر دورت بیر یانین.
اولوم ارمانی گونده ریر بیزه
زیندانلار تیکدیریر گنج نسلیمیزه.
مرد ایگیتلریمی چکدیریر دارا،
یوردومون اوستونه چکیلیر قارا.

قاری دوشمان دوو تاپاراق
آچاقلیغین وئردی نیشان
وطنیمی آل بویادی
ایگیتلرین آل قانی یلان.
جللاد اولوب بئشیکلرده
کوره لری کسدى باشین
عوممان کیمی آخیزدیردی
آنالارین قانلی یاشین.

عایله سی قارشیسیندا
گولله له دی آنالاری
بالکونلاردا دارا آسدی
آغ بیرچکلی آنالاری.
اینسانلیغین، شرافتین
بیر دفعه لیک داشین آتدی
ناموسلو قیز گلینلرین
ناموسونا ال اوزاتدی.
قولدور لوقلا مدنیت
سارایلارین تالان ائتدی
هیتلر کیمی اینجه صنعت
اوجاقلارین ویران ائتدی.
برباد اولموش وطنیمده
بايقوش کیمی یووا سالدی
قوزغون اولوب ائللریمین
نعشی اوسته قاناد چالدی.
گونش باتدی، آی گیزلندی
دومان چؤکدو بو دییارا
آل گئینمیش شن وطنیم
چئور بلبیدیر بیر مزارا.
هر بیر دووار چاتداغیندان
هر پوسقودان، هر دلیکدن
هر بیر قورد قوش یوواسیندان
هر جولادان، هر دئشیکدن
اوز گیزلتمیش، کمین ائتمیش
بیر جاناوار یاواش یاواش
دیشلرینی ایتیلده رک
بیردن بیره قالدیردی باش
هوجوم ائتدی، وطنیمه

كسمك ديبه، باسماق ديبه
ياخماق ديبه، تالان ديبه
اؤلوم ديبه، آسماق ديبه
بیر سورو چالاغان، بیر سورو قوزغون
بیر سورو آلاباش، بیر سورو مئیمون
بیر سورو عقرب، بیر سورو ایلان
بیر سورو یان یانیش، بیر سورو چایان
بیر سورو ساتیلیمیش، بیر سورو جاسوس
بیر سورو بیر سورو

بیر ناخیر کؤهنه قورد سکسن یاشیندا
فیتنه کار «جرج آلن» اونون یاشیندا
سوپاسین بیزله دی یوردوما ساری
سئل کیمی بورودو بیزیم دییاری.
سولدو، وطنیمین باهاری باغی
اولدو گولشنلریم بايقوش یا تاغی
بوغولدو خالقیمین آزادلیق سسی
سوسدو بولبوللرین آزاد نغمه سی
دؤندو باهاریمیز زیمیستان اولدو
قیزیل گوللریمیز سارالیب سولدو.

دره نین تکینده جالانیر بیر چای
داغ داشی بورویور، غملی بیر هارای
اسدیکجه موغانین ایستی یئلری
آپاریر هر یانا او نغمه لری
بو اودلو نغمه لر، بو زمزمه لر
قولاق آس، گؤر سنه سؤیله بیر نه لر:
بوردا ایکی دونیا دورموش اوز اوزه
بوردا چاخناشیری گئجه، گوندوزه
بیر یاندا آزادلیق، حیات، سعادت

بیر یاندا اسارت، اؤلوم، فلاکت
قارشیمدا جانلانیر هر ایکی ساحیل
باغریمی دیشله بیر آغیر بیر نیسگیل
تازا گلین کیمی بز نمیش اویان
لاله دن، چیچکدن بورونموش الوان
دنیز تک اویسه نیر یاشیل تارلار
اوج اوجا دوزولموش گؤزل بینالار
چؤللرده بولود تک گورلا بیر موتور
شوملا بیر یئرلری کوتان، تراکتور
کندین اته بینده دایانیر قاتار
چیخیر کوپه لردن گنج ایختییار
اینساندان گول آچیر بوتون داغ تپه
قاجیر یاشیللیغا بیر دسته کؤرپه
چمنده توپلانیر گول کیمی اونلار
سونرا دا باشلانیر گؤزل اویونلار
بیلیمیرم یوخودور، یوخسا بیر رؤیا
(اوستادین سؤزلری دوشور یادیم):
«اویناشیب گولوشوب، آشیب داشیرلار»
«بعضن کهلیک کیمی قاققیلداشیرلار»
«سانکی گورمه میشلر نه غم، نه مئحت»
«یاغیر اوزلریندن یالنیز سعادت»

یئل اسیر دوزلرده، اویسه نیر چیچک
قوش کیمی سینمده چیرپینیر اوره ک
تارلادا چالیشیر بیر دسته گلین
قوللاریندا زنبیل، الدهه بیزرچین
اگینلرده دامن، باشدا آغ چالما
سینه لر آغ مرمر، یاناقلار آلما

بىر آھو گۇز لو قىز قالدېرىر باشىن
قىرىشىدىرىر آلنىن، اوينادىر قاشىن
شئىدا بولبول كىمى اوجالدىر سسىن
اوخويور يوردونون آزاد نغمه سىن:
«بولوتلار داغىلىب سوۋكولنده دان»
«لاله دن دون گئىير، بزه نىر موغان»
«گولور چىچك كىمى چۇللردە اينسان»
«چىخىرسان تارلايا سن موغان قىزى»...

بو تايا باخىرام، گۇرورم نه لر؟
قارغىدان تىكىلمىش آلچاق كۇمه لر
چىغىن دالىسىندا ياتمىش بىر قارى
اوغرون قىزدىر مادان رنگى ساپ سارى
قومسالدا بىر نئچه كۇرپه اويناشر
اونلارا باخانين باغرى اودلاشر
گۇزلرى تراخوم، قىچلارى چىپلاق
باشلارى كئچلدىن باغلامىش قاتماق.
يوز آددىملىقدا بىر اوزون ساچلى قىز
قارا تىكانلىقدان توپلاير مايىز
كىرلى يايلىغىنى چكىمىش قاشىنا
تزك كرھلىيىن آلمىش باشىنا
گاه آددىم گۇتورور گاهدان دا دورور
بعضن بىردن بىره يئره اوتورور
چىپلاق آياقلارين ياردىقجا تىكان
قورخموش آدام كىمى دىسكىنىر هر آن
يول اوسته اوتورموش دوشگون بىر قوجا
قددىنين كمانى دگمىش اوج اوجا
بونونلا او يئنه نىققىلدا ياراق
بىر كوت كركى ايله يونور دوغاناق

بو ايش ايسه آنجاق اونو چوخ يورور
آرا بير ايشله بير، آرا بير دورور.
باخيرام، سومو يو چيخميش اوزونه
ايچيم آلوولانير، آليشير سينه
آستا سوووشورام اونون يانيندان
سؤيله بيرم، بابا، يورولما ياسان
بوزارميش گؤزلرين تيكير اوزومه
يورغون باخيشلارلا باخير اوزومه
زارينجي بير سسله، خوش گلدين، اندير
يئنه ده تئوشكدن نفسى گئدير.
ايچيمده گورلا بير يئنه ده طوفان
آستا سوووشورام اونون يانيندان
باغريمى ديشله بير آغير بير نيسگيل
قارشيمدا جانلانير هر ايكي ساحيل
بوردا ايكي دونيا دورموش اوز اوزه
بوردا چاخناشيري گئجه گوندوزه
بير ياندا آزادليق، حيات، سعادت
بير ياندا اسارت، اولوم، فلاكت
چايين اوتاييندا قاينا بير حيات
بو تايى چولقاميش قارا طولومات
او تايدا باهار وار، بو تايدا قيش وار
اورادا بولبول اوخور گول قوجاغيندا
بورادا قورويوب غونچالار قيندا.
اورادا اينسانين يارادان الى
گون به گون زور گلير كور طبيعته
عقله سيغينمايان بؤيوك قووه لر
بويوروق قولودور بشريته
اورادا صنعتين، عئلمين اووسونو
سئلى دا يانديرير، داغى قوپارير

قەھار طبیعتی دگیشمک دییه
اودلو صحرالارین باغرینی یاریر.
بورداسا بیر یانغین، بیر قار، بیر بوران
بیر کولک، بیر دولو، بیر سئل، بیر طوفان
خالق کندیرینین حیاتین کسیر
اینسان طبیعتە اسیردیر، اسیر.
ایگیرمی سککیزین قوراقلیق ایلی
کندچی کوتله لری، بو آذر ائلی
نه گونلر گۆرمه دی، چکمه دی نه لر؟
اینسان او گونلری اونودار مگر؟

گزیرم چۆللری، کورا یوللاری
کولک پیچیلدادیر قورو کوللاری
قارشیمایا چیخیری بیر سورو داوار
بوتون مورگوله بیر کئچی قویونلار
بیر بیرینه کئچمیش قابیرقالاری
دوز تک یالایرلار بوش قایالاری
اون ایکی یاشیندا کیچیک بیر چوبان
چیینینده کی بۆیوک بیر داغار جیغلان
ساکیت دایانمیشدیر، نه سمیر، نه سس
گاهدان بیر چکیردی دریندن نفس
اوزونده غوصصه دن گیزلی بیر ایز وار
معصوم باخشیندا بیر دنیا سۆز وار.
اینتیظار گۆزلری یولدا قالمیشدیر
بیلیم توتە یینی هاردا سالمیشدیر
گۆرونور چوخذاندیر نغمه چالمايیر
داغلارا داشلارا نغمه سالمايیر.
اونون دا روحونو اۆلدورموش سیتم

اونون دا گۆزلرین توتوموش کدر، غم
اونون دا قلب ائوین ظولم الی بیخمیش
بوتون نغمه لری یادیندان چیخمیش.

دره نین تکینده جالانیری چای
داغ دؤشو بورویور غملی بیر هارای
اسیر یاما جالاردا ایستی بیر کولک
ایچیمده اودلانیر، آلیشیر اوره ک.
بوردا ایکی دونیا دورموش اوز اوزه
بوردا چاخناشیری گنجه گوندوزه
اوره بیم ایسته بیر آتیلام چایی
بیر دفعه ترک ائدم بو غملی تایی
تولک ترلان کیمی قول قاناد آچام
بو اوستو دومانلی اوولاقدان اوچام.
اوچام سعادتین شن دونیاسینا
ایشیق دونیاسینا، گئن دونیاسینا.
لاکین بیردن بیره دیزلریم اسیر
آغیر بیر سیخینتی باغریمی کسیر.
قیچلاریم قورویور، قیزیشیر اوزوم
باشیم گیجه لله نیر، قارالیر گۆزوم.
ایستیرم گۆتورم آددیم آددیمدان
ایچیمده بیر قووه قیشقیریر، دایان!
قیشقیریر ترپنمه! هارا گئدیرسن؟
نه اوچون یوردونو سن ترک ائدیرسن؟
نه اوچون آتیرسان یاری یولداشی؟
بو دوغما ائللری، قوهوم قارداشی؟
بوخ، آتما ائللری، ترک-ی یار اولما!
وطندن ال اوزمه، بی ایلغار اولما!
کۆچری قوش کیمی اوولاقدان اوچما!

باشینی گۆتوروب وطندن قاچما!
دنیزلر داشسا دا، قوپسا دا طوفان
اصیل قوش ال اوزمز اۆز یوواسیندان.
دوزدور کی، اورا دا اۆز وطنیندیر،
اۆز باغین، اۆز باغچان، اۆز چمنیندیر
دوزدور کی، اورادا گولور سعادت
گولورو اینسانلار، گولور طبیعت
لاکین برباد اولموش بو غملى دییار
بو پوزغون دره لر، دومانلی داغلار
سیتیم زنجیرینه باغلانان اللر
حاققی پامال اولموش اوبالار ائلر
سودونو امدییین آغ ساچلی آنا
یولونو گۆزله یین آلا گۆز سونا
هامیسی، هامیسی گۆز تیکمیش سنه
هر اۆز میللتینین دردین بیلنه
بو سۆنوک دودمان سنیندیر، سنین
سنه گۆز تیکمیشدیر ایندی وطنین
ظولمته اوغرامیش بو پوزغون دییار
بابکلردن قالمیش سنه یادیگار.
دؤیوش مئیدانیدیر، ایندیلیک وطن
سن ده او مئیدانین بیر عسگریسن
قاچما بو داعوادان، قاچما بو دوودان
قاچما سنگریندن، قاچما بولوودان.
ووروش اۆز خالقینلا سن ده یان یانا
قیر، تۆک دوشمنلری مرد-ی مردانا
قوو اۆز وطنیندن ایشغالچیلاری
هر ایستئعمارچینی، هر ظولومکاری،
قورخما، دؤیوشلرده آخسا دا قانین
یاخود دوداغیندان چیخسا دا جانین

دایان قوی دوشمنلر تار و مار اولسون
سنین ده وطنین بختیار اولسون
دوغسون قیزیل گونش، آچیلسین سحر
سنین ده ائللرین اولسون بخته ور
گول آچسین دوزلرده سونبول شلاله
قوروسون تیکانلار، گویرسین لاله.
بوتون کوهنه دونیا اود توتسون یانسین
آزادلیق بایراغی شن دالغالانسین.

قوجامان تبریزی بوروموش دومان
یوز مینلر اینسانی سارسیدیر حیرمان.
بوتون دودکئشلرده بوغولوموش نفس
هئج بیر سیویستوودان چیخما بیر سس
سوسوب چالیشقانلیق، دایانیب زحمت
بوتون هر طرفی بورویوب دهشت.
قارالیدی گویلری ظولمون غوباری
یاغیب یئر اوزونه فلاکت قاری
بوتون کارگر الی قوینوندا
معیشتین آغیر یوکو بوینوندا
قالیب کوچه لرده سفیل سرگردان
کسیب آمانینی ایشسیزلیک، حیرمان
کندچی کروانلاری توتوموش یوللاری
گلیر هر طرفدن اینسان قاتاری
یانیقلیغا دوشموش یازیق اوبالی
چاریق پاتاوالی، بیرتیق چوخالی
بوتون وار یوخونو دالینا آلمیش
چیپلاق اوشاقلارین یانینا سالمیش
سئل کیمی آخیشیر شهره هر یاندان

آرا هشتريدن، آرا موغاندان.

هر قاپيدا بير جوت چيینی توربالی
گۆز ياشی آخيدير، ديله نير چۆره ك
سويوق آلازلايير لوت بدنلری
سوموك سيزيلدايير، قووشور كوره ك.
گرمخنالار دا اولوم قوخويور
آجلیق اينسانلارا كفن توخويور.

گنجه دير، هر يانا كۆچوب قارانلیق
بوتون طبیعتی دونداريب سويوق
كولك وييلدايير، بوران اووسه نير
سانكى، گۆيدن يئره كافور اله نير.
بير مزار كيميدير بوتون كايينات
طبیعت بورونوب قاردان آغ حیات
بولون قيراغيندا چكيبدير قاتار
بير سيرا كله مه كۆتور داخمالار
هانسی سيندان ايسه سولغون بير ايشيق
بويلانير ائشيه توستو قاريشيق.
(آغير آدديلارلا ياريرام قاری
ايره ليله بيرم، داخمايا ساری)
ايشيغين قارشيسي كسيلير بير آن
چيخير ايچريدن مفلوك بير اينسان
قانشاردا دايانير جانسيز هئيكلی
قارشيم اوزانير دامارلی الی:
- رحم ائت، منه آغا! ياماندير حاليم
بير هفته دن چوخدور آجدير عياليم
(دئيه ن بير قوجادير، آخيدير ياشين

شرمیندن یوخاری قالدیرمیر باشین)
هارادانسا گلیر سیزیلتی سسی
بیر بیغین اینسانین حزین ناله سی
گنجه نین باغرینی یاریر ناله لر
قونور خاطیریمه آغیر بیر کدر.
ایچه ریم آلیشیر، باغریم اودلانیر
روحوم شوعله چکیر، اوره بیم یانیر.
باخدیقجا بو محروم، سفیل اینسانا
ایچیمده نیفر تدن قوپور فیر تانا.
نیفرت تانریلارین پوچ رؤویاسینا
بو کور قورولوشون شوم دونیاسینا
دوشونورم، کیمدیر بو دوشگون سفیل
قوجا اکینچیدیر، دیلنچی دئییل.

هله اللریندن گنتمه میش اونون
اوراغین، شنه نین ایلیک قاباری
هئج زامان یوخودا گورمه میش اونو
سحر گونشینین ایلك شوعالاری

دوشونورم کیمدیر بو محکوم اینسان
اودور روزو وئرن، او دور یارادان
«منه رحم ائله یین»، دئییه او دیلر
سووالا آچیلان بو قبار اللر
سویوقدان تیتزه یین او معصوم اوشاق
بینوشه یه دؤنموش او لاله یاناق
او، سعادتلی بیر رحمت الیدیر
وطن غونچاسیدیر، وطن گولودور.
اونوندور بو عالم، اونوندور جهان
اونون امه یی یله یاشاییر اینسان

باغريما باسیرام دوشگون قوجانی
اوپورم الینین قاپار لارینی
حورمتله الینی الیمه آلیب
محبت قولومو بوینونا سالیب
– دئمه ائحسان ائله، رحم ائله منه
من کی وارلیغیمی بور جلویام سنه.
سنیندیر حیاتییم، یئدی بییم چوره ک
سنیمدیر کؤکسومده چیرپینان اوره ک
سنیندیر ایلی بییم، سنیندیر قانیم
سنیندیر وارلیغیم، سنیدیر جانیم.
سنین زحمتیندیر منی یارادان
سنین مئحتنیندیر منی اویادان.
بو، گونشدن آیدین بیر حقیقتدیر
اینسانین وارلیغی سنه میننتدیر.
او، قاپار اللر کی، قاپ قارا یانمیش
او یورغون گؤزلر کی، غمدن اوسانمیش
او، قارا قویلانان دونموش آیاقلار
کؤمور تک قارالان یانمیش دوداقلار
بوتون کئچیر دییین او قارا گونلر
اوره بیینی سیخان آغیر دویونلر
دمیرچی خانادا دؤیدویون دمیر
بوتون مشققتله سوردویون عؤمور
ایستیسی جیسمینی یانديران گونش
شوملادیغین یئرلر، دردییین کولش
ایشیغیندا بوغدا سووردوغون آی
عؤمرونو چورودن یاز، پاییز، قیش، یای
قولونا باغلانان ایپلرین یئری
تورپاغا تۆکدویون آلننین تری
اوزه رینده کله ک قوردوغون داغلار

اکیب بئجردیبین صفالی باغلار
هامیسی ، هامیسی شاهیددیر کی، من
سنه میننتدارام دوغولان گوندن.

بو تک من دئیلم، دنیا بیلیر کی
سن بشریتنه روزو وئره نسن
اینان کی، حیاتین اوجاگی سؤنور
اگر سن اگمه سن، سن ایشله مه سن.

قوجا ساکیت ساکیت باخیر اوزومه
سونرا دا چاتیلیر آغارمیش قاشی
نه لر دوشونورسه سؤزلریمدن او
معنالی معنالی بیرغانیر باشی.

– نه دئییرسن اوغول، کسيلمیش چارام
بیر کره اوزولموش هر یاندان الیم
هانی امه ییمین قدرینی بیلن
دونیانین طولموندن بوکولموش بئلیم.
نه لر چکمه میشدیر بلالی باشیم
نه لر اوخوموشام، نه لر چالمیشام
بودور حیاتیمین سون سرانجامی
دیوارلار دیبینده مه لر قالمیشام.
منه بو دؤورانین وفاسی بودور
بیر عؤمور مشققت، عاقیبت سووال
یئتمیش ایل چالیشماق، یئتمیش ایل زحمت
آخیرسی اولموشدور بوینوما ویبال.
هانسی گون عؤمرومده من شاد اولموشام
گونوم، بختیم کیمی، قارالمیش هر آن
یئتمیش ایل چالیشدیم، چوخ جفا چکدیرم

بیرجه خوش ساعاتدان تاپمادیم نیشان.
– یاددان چیخارمیشسان بس او بیر ایلی؟
منله بیر سنگرده یاتان زامانی؟
یوخسا اونودموشسان او خوش گونلری
او خوشبخت حیاتی، او شن دؤورانی؟
– اوخ، دئمه! تاریخین قارانیلیغیندا
او ایل بیر آی ایدی، دوغدو دا باتدی
عؤمور چیچکلندی آنجاق بیر باهار
لاکین، گوللرینی یاناغین ساراتدی.
قرنلر ظولمتدن، دومانان سونرا
بیر گونش دوغدو، بیر ایل یاز اولدو
لاکین، او یئگانه شن باهارین دا
بیر قیزیل گول قدر عؤمرو آز اولدو
خالق حؤکومتینین شن دؤورانیندا
آنجاق بیز آنلادیق عؤمرون لذتین
دئدیک: آخشامیمیز سحره دؤندو
الیندن قور تاردیق ظولمون، ذیللتین
دئمه غصبکارین قارا کینه سی
او حیاتی بیزه قویما یاجاقمیش
دئمه اکدییمیز اومید زمیسین
قولدور لار اود ووروب یاندىرا جاقمیش.
ریضاخان اوغلونون زیانکار الی
او حیاتی بیزه قالا قویمادی
او قودوز، میلیونلار ایران خالقینین
قاینی بوسبوتون سوردو، دویمادی.
– یوخ آتا، داریخما، بو قارا دؤوران
بو توستو، بو دومان، بو قار، بو بوران
چوخ چکمز، ایشیق بیر باهارا دؤنر
یئنه ده حیاتین گولشنى گولر.

ياتار قارلى قيشين سويوق يئللىرى
آچار شن باهارين قيزيل گوللىرى
بيزيمدير گله جك، بۇيوك گله جك
تاريخ جلالدارا باش اگمه يه جك

بئش ميليون زحمتكئش محروم اينسانا
دئمك «نجات تاپميش» آذربايجانا
ريضاخان اوغلونون ظولوم تۇحفه سى
فلاكت تۇحفه سى، اولوم تۇحفه سى
وطنى بوروبوب قانلى بير دهشت
سارسيدير خالقىمى آجلىق، فلاكت
كسير نفسلى سونگو، زيندان، دار
تيكيليپ دوداقلار، باغلانيب قوللار.

لاكين، تاريخ بويو بو بۇيوك ديبار
تسليم اولماميشدير و اولماياچاق.
دوغما تورپاغىمدا قودوز دوشمانا
اگر يئر وارديرسا، مزار اولاجاق.
دۇنمز ايگيتلرين هر شراييطده
موبارزه سينين ايدامه سى وار.
شانلى فيرقه ميزين سوسدورولمايان
قورتولوش نغمه سى، ايلهام سسى وار.
قانلى دوداقلاردا سۇزلىر قانليدير
ديلكر ده قاندير، اوركلر ده قان
جيلوو گميريرى قان آلماق ديبه
هر يئرinden دوران، هر باش قالديران.
يوردوم، اودلار يوردو، آذربايجاندير
مردليبين آئينماز مؤحكىم قالاسى
يوردوم باش اگمه ميش ايسكندرلره

گلمه میشدیر یئره ایگیت آرخاصی.
یوردوم، بابکلرین یادیکاریدیر
هر تولکو بورادان باج آپارانماز
ائلیمین غضبی طوغیانا گلسه
آسلانلار الیندن جان قورتارانماز.
ظالمیم، ساغ باش گورا آپارا بیلمز
اوغرو چیراغینین اولماز ایشیغی
اگری ایلان تئزراق گوئه یه گلر
دوشمانی بوغاجاق اؤز قارانلیغی.
چکمه سی مامیزلی، اگری پاقلی
اوز گوؤزو پودرالی، چیینی یاراقلی
دانشاندا مین جور عیشوه لر ساتان
هر اؤتن قادینا بیر قاش گوؤز آتان
شاهلیق قوشونون « دون کیشوتلاری »
تولک تولکولری، قوجا قوردلاری
باش آپارما یا جاق آذر یوردوندان
ارنلر یوردوندان، ارلر یوردوندان.

گوناهسیز تۆکولن ناحاق قانلارین
هر داملا سیندان بیر بابک قالخاجاق
طوفانلار قوپاجاق ائل غضببندن
دوشمانین گوؤزونه شیمشک چاخاجاق.
قانا باتمیش ظالمیم اللره قارشی
قالخاجاق ائلرین اینتیقام الی
سون ظفر شوبهه سیز کوتله لریندیر
غالیب گله جکدیر خالقین املی.
گنجه هر نه قدر اوزون اولسا دا
سحر آچیلجاق، گونش دوغاجاق
بو سوؤز داها بوگون افسانه دئییل

«ایشیق قارانلیغی بیر گون بوغاجاق»
دارادیقجا گونش ساری تئلرین
گنده جک سهندین باشینین قاری
کل چیچکلر اوسته اینجی سپه جک
دومانلی داغلارین بوز بولوتلاری.
یئنه یوردوموزا باهار گله جک
سولغون گوللریمیز یئنه گوله جک
تاریخ جلالدارا باش اگمه یه جک
بیزیمدیر گله جک، بویوک گله جک.

تبریز ۱۳۲۸